

БАТЛАВ.
ЭРҮҮЛ МЭНДИЙН ХӨГЖЛИЙН ТӨВИЙН
ЕРӨНХИЙ ЗАХИРАЛ
Д.ГАНЦЭЦЭ

БАТЛАВ.
БАГАНУУР ДҮҮРГИЙН ЭРҮҮЛ
МЭНДИЙН НЭГДЛИЙН ДАРГА
Д.ШИНЭБАЯР

ЭМНЭЛГИЙН ТОНОГ ТӨХӨӨРӨМЖИД ШАЛГАЛТ ТОХИРУУЛГА ХИЙХ ГЭРЭЭ

Дугаар №.....

2019 оны ... сарын ... өдөр 2019 01 23 04 Улаанбаатар хот

Нэг. Ерөнхий зүйл

1.1 Энэхүү гэрээг Иргэний хуулийн 343-356 дугаар зүйл, Эрүүл мэнд, спортын сайдын 2015 оны 249 дүгээр тушаалаар батлагдсан “Эмнэлгийн тоног төхөөрөмжид шалгалт тохируулга хийх журам”-ыг баримтлан нэг талаас Эрүүл мэндийн хөгжлийн төв (цаашид “Гүйцэтгэгч” гэх)-ийг төлөөлж Эм, эмнэлгийн тоног төхөөрөмжийн албаны дарга Ш.Энхзаяа, нөгөө талаас Багануур дүүргийн Эрүүл мэндийн нэгдэл (цаашид “Захиалагч” гэх)-ийг төлөөлж эдийн засагч Д.Мөнгөнцацрал нар дараах нөхцлийг харилцан тохиролцон байгуулав.

1.2 Гэрээ нь Захиалагчийн эмнэлгийн тоног төхөөрөмжид анхдагч болон ээлжит шалгалт тохируулга хийхтэй холбогдсон харилцааг зохицуулна.

Хоёр. Захиалагчийн эрх, үүрэг, хариуцлага

2.1 Тухайн эрүүл мэндийн байгууллагад ашиглаж байгаа эмнэлгийн тоног төхөөрөмжийн судалгаанд үндэслэн ээлжит шалгалт тохируулгад эмнэлгийн тоног төхөөрөмжийг бүрэн хамруулна.

2.2 Эмнэлгийн тоног төхөөрөмжийн шалгалт тохируулгыг хийлгэхдээ дараах шаардлагыг бүрдүүлэн ажиллах нөхцөлийг хангаж ажлын өрөөг бэлтгэнэ. Үүнд:

2.2.1 Шаардлагатай үед гүйцэтгэгчийн симулятор, анализатор болон бусад хэрэгслийг шалгалт тохируулга хийх байранд хүргэх, буцаан хүргэх мөн ажлын шаардлагаар симулятор, анализаторыг өөрийн ажлын байранд хадгалах бол бүрэн бүтэн байдлыг хариуцах;

2.2.2 Шалгалт тохируулга хийхэд хариуцан ажилладаг эмнэлгийн тоног төхөөрөмжийн инженер, техникч эсвэл ажилтанг хамтран ажиллуулах;

2.2.3 Шалгалт тохируулгын өрөө нь зориулалтын газардуулгатай байна;

2.2.4 Интернетийн сүлжээнд холбогдсон байна;

2.2.5 Цахилгаан хамгаалалтын төхөөрөмжөөр бүрэн тоноглогдсон байх;

2.2.6 Байгалийн болон зохиомол гэрэлтүүлэгтэй байх;

2.2.7 Хөдөлмөр хамгаалал, эрүүл ахуйн шаардлага хангасан утаа мэдрэгч, цэвэр, бохир усны системтэй байлгана;

2.3 Эмнэлгийн тоног төхөөрөмжийг шалгалт тохируулгад хамруулахдаа дагалдах хэрэгслийн хамт бүрэн бүтэн хүлээлгэн өгнө.

2.4 Шалгалт тохируулгад тэнцээгүй эмнэлгийн тоног төхөөрөмжид засвар үйлчилгээ, засвар тохируулга хийж, шалгалт тохируулгад хамрагдсан өдрөөс эхлэн 2 сар хүртэлх хугацаанд ээлжит шалгалт тохируулгад хамруулна.

2.5 Шалгалт тохируулгад тэнцээгүй эмнэлгийн тоног төхөөрөмжийг ашиглахыг хориглоно.

2.6 Эмнэлгийн тоног төхөөрөмжийн шалгалт тохируулгын төлбөрийн тооцоог Монгол Улсын Шадар сайдын 2015 оны 117 дугаар тушаалын дагуу зохих төлбөрийг төлнө.

2.7 Захиалагч нь эмнэлгийн тоног төхөөрөмжийн шалгалт тохируулга хийх гэрээ хийгдэж, төлбөрийн нэхэмжлэл хүргүүлснээр Эрүүл мэндийн хөгжлийн төвийн Төрийн сангийн 100900020020 тоот дансанд (РД: 9086331) нэхэмжлэхийн дагуу шилжүүлнэ.

2.8 Шалгалт тохируулгын ажлыг төлбөр төлсөн баримтыг үндэслэн хийнэ.

Гурав. Гүйцэтгэгчийн эрх, үүрэг, хариуцлага

3.1 Эмнэлгийн тоног төхөөрөмжийг хүлээн авч, Захиалагчид хүлээлгэн өгөх хүртэлх хугацаанд тухайн тоног төхөөрөмжийн тоо ширхэг, бүрэн бүтэн байдлыг хариуцна.

3.2 Захиалагчтай байгуулсан гэрээ, хуваарийн дагуу эмнэлгийн тоног төхөөрөмжийн шалгалт тохируулга хариуцсан мэргэжилтэн стандарт, аргачлалын дагуу шалгалт тохируулгыг хийж гүйцэтгэнэ.

3.3 Эмнэлгийн тоног төхөөрөмжийн анхдагч болон ээлжит шалгалт тохируулгын ажлыг гүйцэтгэхдээ баталгаажуулсан симулятор болон анализаторыг ашиглана.

3.4 Талуудын тохиролцсон хугацаанд шалгалт тохируулгын ажлыг хийж гүйцэтгэхдээ чанарын өндөр түвшинд хийж гүйцэтгэнэ.

3.5 Тухайн шалгалт тохируулгад хамрагдсан эмнэлгийн тоног төхөөрөмж тус бүрээр үр дүнгийн хуудас боловсруулан захиалагчид албан бичгээр хүргүүлнэ.

3.6 Хэрэв захиалагчийн эмнэлгийн тоног төхөөрөмжид шалгалт тохируулгын ажлыг хийж гүйцэтгэх хугацааг сунгах зайлшгүй шаардлага гарсан тохиолдолд энэ тухай мэдээллийг захиалагчид амаар болон бичгээр мэдэгдэнэ.

Дөрөв. Бусад зүйл

4.1 Энэхүү гэрээ нь талууд гарын үсэг зурсан өдрөөс эхлэн хүчин төгөлдөр болох бөгөөд гэрээгээр тохиролцсон ажлыг гүйцэтгэж дуусах хүртэлх хугацаанд хүчинтэй байна.

4.2 Гэрээний хугацаа дуусгавар болсны дараа захиалагч нь гэрээний гүйцэтгэлийн тайланг дараа оны гэрээ, хуваарь, эмнэлгийн тоног төхөөрөмжийн судалгааны хамт гүйцэтгэгчид албан ёсоор ирүүлж, талууд гэрээний хэрэгжилтийг хамтран дүгнэнэ.

4.3 Гэрээг гурван хувь үйлдэн хоёр хувийг гүйцэтгэгч, үлдэх хувийг захиалагч хүлээн авна.

4.4 Ажил гүйцэтгэх хавсралт нь гэрээний салшгүй хэсэг бөгөөд захиалагчийн хүсэлтээр гүйцэтгэх ажилд нэмэлт, өөрчлөлт оруулсан орсон тохиолдолд ажил үйлчилгээний төлбөрийн асуудлыг нэмэлт гэрээгээр тухай бүрд зохицуулж шийдвэрлэнэ.


4.5 Энэхүү гэрээг хэрэгжүүлэхтэй холбогдон үүссэн маргааныг талууд зөвшилцөн шийдвэрлэнэ. Эс зөвшилцвөл асуудлыг холбогдох хууль тогтоомжийн дагуу шийдвэрлүүлнэ.

ГЭРЭЭ БАЙГУУЛСАН:

Гүйцэтгэгч байгууллагыг төлөөлж:
Эм, эмнэлгийн тоног төхөөрөмжийн
албаны дарга *Ш.Анж* Ш.Энхзаяа

Захиалагч байгууллагыг төлөөлж:
Эдийн засагч *Д.Мөнгөнцацрал*
Эмнэлгийн тоног төхөөрөмжийн
инженер *Д.Одмаа* Д.Одмаа

Эмнэлгийн тоног төхөөрөмжид шалгалт тохируулга
хийх 4.8. тоот гэрээний хавсралт



Шалгалт тохируулга хийх хугацаа: 2019.01.28-31

| № | Шалгалт тохируулга хийх эмнэлгийн тоног төхөөрөмжийн нэр | Тоо ширхэг | Шалгалт тохируулгын тариф | Нийт дүн |
|----|--|------------|---------------------------|--------------------|
| 1 | Амьсгалын аппарат | 7 | 75,000.0 | 525,000.0 |
| 2 | Дефибриллятор | 1 | 60,000.0 | 60,000.0 |
| 3 | Дуслын автомат шахуурга | 5 | 56,000.0 | 280,000.0 |
| 4 | Зүрхний цахилгаан бичлэгийн аппарат | 6 | 55,000.0 | 330,000.0 |
| 5 | Наркозын аппарат | 2 | 100,000.0 | 200,000.0 |
| 6 | Нярайн дулаацуулах ширээ | 7 | 51,000.0 | 357,000.0 |
| 7 | Нярайн инкубатор | 3 | 84,000.0 | 252,000.0 |
| 8 | Өвчтөний хяналтын монитор | 18 | 51,000.0 | 918,000.0 |
| 9 | Рентген аппарат | 2 | 90,000.0 | 180,000.0 |
| 10 | Тариурын автомат шахуурга | 8 | 61,000.0 | 488,000.0 |
| 11 | Хүчилтөрөгч өтгөрүүлэгч | 23 | 30,000.0 | 690,000.0 |
| 12 | Хэт авиан оношилгооны аппарат | 4 | 15,000.0 | 60,000.0 |
| 13 | Цахилгаан мэс заслын аппарат | 2 | 55,000.0 | 110,000.0 |
| | НИЙТ ДҮН | 88 | | 4,450,000.0 |